

ЛЕНИНЭНЬ КИЯВА

ВКП(б)-нь Клявлинань Райкомонтъ ды Райсполкомонтъ газетаст

1939 иень
мартонь
5-це чи
21 (309) №

Февралень 27-це чистэ стакасто сэредемадо мейле кулось Надежда Константиновна Крупская

ПОКШ ЕМАВКС

Минек партиянтень ды Советской Союзонь весе народонтень теевсь пек покш емавкс: стакасто сэредемадо мейле, февралень 27-це чистэ кулось Надежда Константиновна Крупская.

Весемезе аняк колмо чиде теде икеле минек масторось седейшкава вечкезь тешкстызе Надежда Константиновнань сизыгемень иензэ. Сонзэ приветствовась ВКП(б)-нь Центральной Комитетэсь ды СССР-нь Народной Комиссартнэнь Советэсь. Сонзэ чествовасть тонавтицятне ды тонавтыцятне, чествовасть весе советской народось. Покш седей ризкс марто вастызь весе трудицятне те печальной кулянтэ—сыре большевикенть, Ленинэнь верной спутникенть, прекрасной ломаненть куломадо кулянтэ.

Все эсь эрямонзо Надежда Константиновна максызе рабочей классонь теветень, человечестванть освободениянь теветень, коммунизмань теветень.

Еще од порастонзо, ютась пингень 90-це иетнестэ, сон ушодызе асинзэ революционной роботанзо Петербургсо Нарвской заставань рабочей школоса, кона ульнесь революционной пропагандань алкуксонь расадникер. Мейле жо свал Владимир Ильич марто, сонзэ прок преданной, вернейшей спутникезэ сон ютызе революционной бороцямонь славной киньтэ. Сон л е з д а с ь Ленинэнь большевистской партиянь васенце кадратнень воспитаниясонть. Сон ульнесь крупной педагогкс. Владимир Ильич марто ламо иень перть роботамось кемекстась сонзэ эйс ломатнень воспитаниянь талант. Сыре рабочейтне, сыре большевиктне повнясызь Надежда Константиновнань, кода сон родной авань чуткость ды работа марто относилсь организациянтень, профессиональной революционертнэнь, ломатненень.

Сон ульнесь пештызь Ленинской непримиримостьсэ социализманть кис бороцямосонтэ, марксистско-ленинской теориянтэ чистотанзо кис, боевой большевистской партиянтэ кис бороцямосонтэ.

Сон пек ненавидела народонь подлой врагтнэнь—троцкистско-бухаринской шпийонтнэнь ды диверсант-

нэнь. Надежда Константиновна народонтэ тердсь врагтнэнь каршо пощадавтомо бороцямонть, тердсь „ванстомс, прок эсь сельме, минек масторсо социализмань победатнень“.

Надежда Константиновна вечксь эйкакштнень, вечкилизе русской аванть. Сон сонськак ульнесь русской авань замечательной типекс.

Советской масторсонть социалистической культурань—вана мезе кармась улема Надежда Константиновнань вечкевикс тевекс Октябрьской социалистической революциянь васенце читнестэ жо. 21 иеде ламо шкань перть сон работась Наркомпросонь Коллегиянь членэкс ды Наркомонь заместителекс. Пек ламо сон тейсь народной массатнень просвещениянь теветнэнь. Сон воспитал просветительной сетень ламо тыщат кадрат. Сонзэ ушодоксонзо коряс масторсонть кастсь библиотекат, ловнома кудот, народной кудот.

Ленинкой школосонть Надежда Константиновна получась кеме воля, большевистской закалка. Сон эзь кирде верхоглядстванть ды распушенностенть коронзо. Эйкакштнень тонавтсь трудонь дисциплинанть, масторонтэ икеле эсь долгонть топавтоманть. Все эрямонзо перть трудясь ды тонавтнесь, ульнесь пек образованной ломанекс. Сон пек вечкилизе эсинзэ народонтэ, русской литературанть, истяжо мировой классической литературыанть ды искусстванть. Сон ульнесь пек развитой культурной партийной работникень примерэкс, кона машты използвам художественной богатствань коммунистической воспитаниянтэ туртов.

Надежда Константиновнань куломась—п о к ш емавкс минек масторонтэ туртов. Партиясь емавтызе социалистической культурань выдающейся строительтнэнь эйстэ вейкентэ, емавтызе вечкевикс ломанентэ, кона эрямозо ульнесь покш источниккс минек од ломатнень политической ды нравственной воспитаниянтэ туртов. Надежда Константиновнань лемезэ кадрави минек народонтэ памятьс пингедэ пингес, прок ломанентэ, кона беспредельна ульнесь предан Ленинэнь—Сталинэнь партиянь теветнень, коммунизмань теветнень.

Всесоюзной Коммунистической (большевиктнень) партиянь Центральной Комитетэнтэ ды СССР-нь Народной Комиссартнэнь Советэнтэ пельде

Всесоюзной Коммунистической (большевиктнень) партиянь Центральной Комитетэсь ды СССР-нь Народной Комиссартнэнь Советэсь пек покш ризкс марто пачтить партиянтень, рабочей классонтень ды весе трудицятненень, што февралень 27-це чистэ, валске 6 ч. 15 м. Московсо, стакасто сэредемадо мейле кулось партиянь членэсь, В. И. Ленинэнь малавикс помощникэсь, ВКП(б)-нь ЦК-нь членэсь, СССР-нь Верховной Советэнь депутатэсь **Н. К. КРУПСКАЯ** ялгась.

Крупская ялганть куломадо, кона весе эсинзэ эрямонзо максызе коммунизмань теветнень, ашти покш емавксокс партиянтэ ды ССР-нь Союзонь трудицятнень туртов.

Всесоюзной Коммунистической (большевиктнень) партиянь Центральной Комитетэсь

СССР-нь Народной Комиссартнэнь Советэсь.

ВКП(б)-нь Московской областной ды городской комитетнэнь пельде

ВКП(б)-нь МК-сь ды МГК-сь Московонь ды областнень весе коммунистнэненень ды трудицятненень пек покш ризкс марто пачти сыре большевикентэ ды Ленинэнь другонтэ, Московской партийной организациянь активной работникентэ—**Надежда Константиновна Крупская** куломадо.

Надежда Константиновна Крупская эрямозо, кона весе эсинзэ виензэ максызе революционной роботанть, эрва зардо карми улема стойкостень примерэкс трудицятнень освободениянтэ кис, великой коммунистической партиянь теветнэ кис бороцямосонтэ.

ВКП(б)-нь МК-сь ды МГК-сь.

СССР-нь Верховной Советэнь Президиумонтэ пельде

СССР-нь Верховной Советэнь Президиумось покш ризкс марто пачти ВКП(б)-нь старейшей ды преданнейшей членэнтэ, коммунизмань теветнэ кис неутомимой борецэнтэ, великой Ленинэнь верной другонтэ ды соратникентэ, **СССР-нь Верховной Советэнь Президиумонь членэнтэ Надежда Константиновна КРУПСКАЯ** ялганть куломадо.

Выставкас кандидатнэ

Февралень 27 чистэ райисполкомонь президиумось утвердил кандидатт Всесоюзной сельскохозяйственной выставкасэ участианть туртов.

Животноводствасонть покш успехтнень достижениянтэ кис Выставкас кандидатокс утвержденнойтэ Степано-Дурасовань вельсоветэнь „Красная заря“ кол-

хозонь конюхтнэ Плохов Матвей ды Маштаков Федор, „Смычка“ колхозонь свинаяркась Кузнецова Ульяна.

Клявлинской МТС-нь сехвадря трактористэсь Шербаков ялгась, конась „У-2“ тракторсо сокась 373 гектарт 160 гектарт норманть таркас ды сэкономил ламо горючей.

В. Д.

Н. К. Крупская ялганть ормандонзо сообщения

Надежда Константиновна 1912 иестэ саезь сэредсь базедовой ормасо, кона кувалт кармась сэредеме седеезэ. 1919 иестэ саезь периодически тейневсть седеень недостаточностень явленият постоянной одышка марто. Меельце иетнень перть седеак яла пек ды пек кармась неивома веществатнень обменэнь нарушениянь ды общей артериосклерозонь признактне.

Кода эрсесь свал, Надежда Константиновна февралень 23-це чистэ тусь оймсеме ош ушов. Февралень 24-це чистэ сонзэ сразу пек виевсть кармась сэредеме потмозо. Сэредькстиэ ульнестэ истя виевть ды общей состояниязо истямо скакаль, што сеске жо сазь врачтне ловизь эрвиксэке Надежда Константиновнань ускомс Кремлевской больницы. Больницасонть ливтизь лангс, што Надежда Константиновнань ули воспалительной очаг брюшной полостисэнь кишечникень склерозированной сосудтнэнь закупорканть кувалма. Закупорканть кувалма теевсь кишечникень частень омертвения ды брюшинанть последующей общей воспаления.

Ормась развивался пек виевсть ды ушодоксонзо саезь мольсь седеень действностентэ пек виев упадка марто ды ёжонь маштома марто. Тень кувалма нельзя ульнесь лездем сэредиянтень операция вельде. Ормась пек бойкасто прогрессировась, ды февралень 27-це чистэ 6 часо 15 минутасто валске сон кулось.

Вскрытиясонть, кона теизэ А. И. Абрикосов академикэсь, аравтозь, што Надежда Константиновнань общей страданиякс ульнесь общей артериосклерозось, кона кувалма развилась кровеносной сосудонь закупоркась, човине сиолонть омертвениясь ды брюшинань общей воспалениясь.

Науань заслуженной деятелесь профессорось СПАСОКУКОЦКИЙ

Профессорось ВИНОГРАДОВ.

Профессорось ОЧКИН Доцентэсь М. Б. КОГАН

Кремлян лечсавупрань начальникэсь **БУСАЛОВ.**

(ТАСС).

Н. К. Крупскаянь калмамозо

Мартонь 2 чистэ валске 7 часто одов панжовств Союзтнень Кудонь Колонной залонть кенкшензэ. Одов ды одов ютыть тышат ломать благоговейной чатьмонемасо, обнажая прятнень советской народонть славной тейтерензэ прахонть икеле.

Тесэ неотлучна аштить Надежда Константиновна малавикс оязно, роботань коряс ялганзо.

15 чассто 30 минутасто лоткавтои Н.К.Крупскаянь прахонзо марто прощамонть туртов доступось.

Залонть торжественной чатьмонемасо шумтомо полавтневи почетной караулось.

Меельсь минутатнестэ старейшей большевикенть прахонзо марто прощить московской областной VII ды городской об'единенной партийной VI конференциянь делегатнэ.

16 част 30 минутат. Булганин, Литвинов, Шверник, Ярославский, М. М. Каганович, Петровский, Мехлис, Буденный, Горкин, Кулик, Локтионов ялгатне кепедить урнанть марто катафалканть.

Састо моли траурной процессиясь Красной площаде, Ленинэнь мавзолеентень.

Красной площаденть пештиз столицань трудицатнень делегатост. Величественной чатьмонема. Безмолвно прощи советской народось эсинзэ достойной тейтерензэ марто.

17 частт. Траурной катафалкась аравтои постамент лангс Ленинэнь мавзолеенть икелев. Мавзолеенть трибунанть лангсо—Сталин, Молотов, Л. М. Каганович, Ворошилов, Калинин, Микоян, Андреев, Шверник, Булганин, Щербаков ялгатне.

Траурной собраниянь, конась посвящен Н. К. Крупскаянь памятьс, панжи Горкин ялгась.

ВКП(б)-нь ЦК-нть ды СССР-нь правительстванть лемест пельде речь марто выступил Шверник ялгась.

— Надежда Константиновна, конань воспигала минек славной большевист-

ской партиясь, — корты Шверник ялгась, — ульнесь неутомимой борецкс народной счастьясть кис, эсинзэ социалистической родинань пламенной патриоткакс. Минек масторсо социалистической строительствань эрвейке успехсь тейсь сонзэ эйс безграничной гордостень чувства эсинзэ родинанзэ кис, эсинзэ народонть кис, эсинзэ партиянь кис.

Эсинзэ эримонь меельсь минутатнестэ сон эрясь Ленинэнь—Сталинэнь партиядонть мыслясонть, предстоящей XVIII с'ездтнень мыслясонть, конасонть (с'ездсэнтэ,—ред.) кармить улеме теезь итогт социализмань величайшей победатненень.

Надежда Константиновна, революционерэнтэ, коммунирмань кисэ борецэнтэ валдо образозо навсегда кадови минек родинань трудицатнень памятьс.

Прощай, минек оясь, прощай, минек верной боевой ялгась!

Московонь ды Московской областевь трудицатнень лемест пельде евты речь ВКП(б)-нь МК-нь ды МК-нь секретаресь Щербаков ялгась.

Мейле вал получи столицань Свердловской районь 175 номер школань директорось, СССР-нь Верховной Советэнь депутатось Леонова ялгась, конась выступала просвещениянь роботниктнень лемест пельде.

17 частт 30 минутат. Траурной собраниясь ялдовсь Сталин, Молотов, Л.М.Каганович, Ворошилов, Калинин, Микоян, Андреев, Шкирятов, Ярославский, Щербаков ялгатне бережнато кепедить урнанть марто катафалканть ды кандыть сонзэ кремлевской стенантень.

Нолдазь знаменатне. Надежда Константиновна Крупскаянь прахонзо марто урнась замурувается древней стенань нишавтень. Гайгезеви троекратной ружейной салютось. Траурной маршонь звуктнень сменас гайгезевсь мощной „Интернационалось“.

(ТАСС).

Потребкооперациянь отчетно-выборной промкстнэ

Мартонь 3-це чистэ саезь 15 чис кармить молеми минек районь потребительской кооперациянь пайщиктнень собраниясь, косо кармить обсуждаться вельпонь председателтнень вельпотнень роботадо отчетост ды кармить кочкавомо вельпонь руководящей органтнэ. Вельпотнень отчетно-выборной кампаниясь сави огромной политической важностень тевекс. Непрерывна касы колхозной веленть зажиточностезэ ды иеде иес социалистической промышленностень продукциязо касомась создаот исключительной благоприятной условия сельской торговлянь развитиянь туртов.

Иеде иес колхозной крестьянстванть касы потребностезэ различной товартнэнь лангс ды теень марто соответствясо касы веленть лавкатнень товарооборотост. Минек районь весе вельпотнень (сельмагонть марто вейсэ) 1938 иестэ товарооборотост составлял 3254400 целковойть, товарооборотонть приростозо 1937 иенть коряс 51,3 процентт. 1939 иень плановть коряс намечен товарооборотост 4950 000 целковойть, прирост 1938 иенть коряс 55 процент. 1939 иестэ велентес дополнительна строявить 4 сельмагт ды 4 сельской лавкат.

Текень марто вейсэ минек районсо торговлянть тевсэнть улить аволь аламо асатыксткак, конатнень лангс должны явомс особой мель пайщиктнэ отчетно-выборной промкстнэсэ. Улить истят случайть, кода веленть лавкатнесэ сеедьстэ эсть эрсекиня первой необходимостень товар, кода сал, сапонь, сахар, дешова сортоны конфеткат, спицкат, махорка ды лият, атак вант сень лангс, што неть товартнэде эрва зярдэ ламонь количествасо эрсекинянь райпотребсоюзонь складсо.

Улить аволь аламо случайть, кода минек районь веленть лавкатнесэ а ван-

ставить санитарной правилатне, кода примеркс, Клявлиана веленть магазинасонть зярдояк а шлякшносызь кияксонть ды прилавканть лангсо рудазды пуль. Ташто Маклаушонь вельпонь головной лавкасонть, косо продавецкс роботась Каяшев ялгась зярдояк арасель паропорядок. Райпродмагонть кувать шкань перть продавецэсь Гизатулин ялгась микшнесь мода ды пуль марто човорязь сал ды лият.

Те шкас яла веленть лавкань продавецтнень ютксо улить ломанть, конат аволь честнато относятся кооперативной средстватненень, улить растратань ды хищениянь случайть. Од Казбулат веленть лавкань продавецэсь Варламов февраль ковсто тейсь растрата 3600 целковойть, Клявлинань вельпонь председателень заместителесь Макаров теекшнесь растрата 2750 целковойть, райпродмагонь лареконь продавецэсь Лебедева салась кооперативной ярмакт 3716 целковойть ды лият. Неть растрататне теекшныть секс, што лавкас продавецтнень должностсь аравтневить случайной ломанть, кодамояк проверкавтомо. Контролесь вельпотнень ендю продавецтнень роботаст мельга аравтозь берянтэ ды кой-зярдэ вельпонь руководителтне сынсь способствуют растратанть еманте. Кода пачтить велькорктнэ, што Ташто Маклаушонь вельпонь председателесь Алякин сеедьстэ симнекшнесь винадо продавецанть Варламов марто. Головной лавкань заведующеесь Каяшев Варламовнень миемс нолдтнекшнесь вина фактурань атак сермадо ды ансяк л а м о шкань ютазь оформили фактуратнень, нама неть случайтне Варламовонь толкадсть растратанть тееманте.

Потребительской кооперациясь эсинзэ природанзо коряс сави общественной организациякс. Минек районь келес весемезэ ло-

вовить 7325 пайщиктнэ. Сельпонь правлениятне кочкавить пайщиктнень общей собраниясо ды сельпонь уполномоченнойтнень собраниясо. Сельпонь правлениясь ульнесь подотчетнень пайщиктнень икеле. Но эряви меремс, што ламот сельпотнева кооперативной демократиясь нарушался. Ташто Соснань сельпонь председателесь Буравов ялгась пайщиктнень атак кевксть назначизе сельпонь председателень заместителекс Понятовонь, коната эзь ульнэ кочказь вельпонь членакскак. Русско-Добринань сельпонь председателень Зининэнь ды Клявлинань сельпонь председателень Ключниковонь райпотребсоюзонь председателесь Турлыкьялгась кинзэ роботасто пайщиктнень атак кевксть.

Потребкооперациянь отчетно-выборной собраниятнесэ, уполномоченнойтнень собраниятнесэ пайщиктнэ должны подвергнути большевистской критикас кода вельпонь, истяжо райпотребсоюзонтькак роботасо асатыкстнэнь ды лездемстенст неть асатыкстнэнь витеманте. Сельской потребительской обществань од примерной уставось, конась Сталинской Конституциянь марто полной соответствясо, предусматривает сельпонь члентнень праваст келейгавтоманть асист кооперативсэнть управлениянь коряс—те несомненна седеяк кемекстасы сельской кооперативенть роботанзо.

Потребительской кооперациянь отчетно-выборной собраниятнень югавтомс кооперациянь роботанзо вадрылгавтоманть ды кемекстамонь лозунгонть ало, мобилизовамс весе пайщиктнень ды колхозной веленть весе трудица масатнень кооперациянь роботанзо вадрылгавтоманть туртов, кочкамс потребкооперациянь органтнэс секс вадрат ломантень, конат преданнойть Ленинэнь—Сталинэнь тевенте, ко имунизмань тевенте.

Атопавтыть вейсэнь промксонть решениянзо

Кавто ковт уш ютасть, кода Ташто Соснань вельсоветэнь „РККА“ колхозонь колхозниктнень вейсэнь промксось кочкась колхозной стенгазетань редакторт, но редколлегиясь редакторонть Филиппов Степанонь прывтсо еще те шкас роботамо эзь карма, вейкеяк номер стенгазета эсть нолда.

Стенгазетань анолдамонть Филиппов ялгась толкуви сеньсэ, што будто бу кияк а сермады сонензэ заметкат. Но эряви меремс, што тевесэ аволь сеньсэ, што кияк а сермады заметкат, но сеньсэ,

што редколлегиясь ды редакторось Филиппов ялгась а явить мель те роботанте, а топавтыть колхозниктнень вейсэнь промксонть решениянзо.

Стенгазетань редколлегиятнень ды сонзэ редакторонтень эряви организовамс стенкортнэнь паро актив, ветямс сынст марто робота, штобу сынь сермадовольть колхозонть эрмодонзо. Сермадомс баика колхозниктнень-ударниктнень роботадо, штобу сынст роботамонь опытэст коряс кармавольть роботамо весе колхозниктне.

Строев Ф. С.

Сехте вадрят заемонь уполномоченнойтне

Заемонь средстватнень пурнамось вельсоветнэсэ путозь заемонь уполномоченнойтнень лангс. Заемонь уполномоченнойтне, конатне парсте аравгызь культурно-массовой ды политвоспитательной роботанть трудица массатнень ютксо, снеть добились партрезультатт заемонь средстватнень пурнамосонть.

Ташто Маклаушонь вельсоветэнь заемонь уполномоченноесь Петров П. Е. ялгась весемезэ реализовакшнось заем 1200 целковой лангс ды те сумманть Петров ялгась пурнызе 100

процентс. Тузлуков Д. Ф. ялгась реализовакшнось заем 585 целковой лангс ды те сумманть пурнызе 100 процентс. Истя жо 100 процентс пурнызь реализовазь суммаст Симурзин ды Апаев С. ялгатне. Симурзин ялгась пурнась 910 целковойть ды Апаев ялгась 765 целковойть.

Ташто Соснань вельсоветэнь „РККА“ колхозсо заемонь уполномоченноесь Белянов ялгась реализовакшнось заем 1460 целковой лангс ды те сумманть сон пурнызе целанек.

Клявлинань пристани-

онной вельсоветэнь заемонь уполномоченноесь Красильникова Евдокия ялгась реализовакшнось заем 565 целковой лангс ды умок уш пурнызе те сумманть.

Усакинской вельсоветэнь заемонь уполномоченноесь Быков Яков реализовакшнось 1400 целковойть ды пурнаськак 1400 целковойть. Быков ялгась СССР-нь Наркомфинэнтэ пельде получась премия.

Весе заемонь уполномоченнойтнень эряви самемс неть ялгатнестэ роботамонь пример.

Николаев.

Областной партийной VII конференциясь

Куйбышев. февралень 28 чи (ОблТАСС). По кш политической активност марто конференциянь делегатнэ обсуждают ВКП(б)-нь XVIII с'ездэ Жданов ялганть докладонзо тезистнэнь. Весе выступяющейте тешкстыть, што тезистнэ проникнутойть коммунистнде сталинской заботасонть, минек великой большевистской партианть организационной мощедензэ ды кемекс чидензэ.

ВКП(б)-нь Мелекесской райкомонь секретаресь Коршунов ялгась евтнize коммунистнэнь идейно-политической уровняст покшто касоманть, партианть ендю воспитанной од руководящей кадратнеде, партианть касомадо трудиятнэнь сех вадря представительнэнь счесть.

— Меельсь омбоце пельметнэнь перть, — корты сон, — районсонть аравтозь руководящей партийной, советской ды хозяйственной работас 130 ломать. Минек партийной организациясь гордится народонь избраницасонть, СССР-нь Верховной Советэнь депутатсонть Катаева ялгасонть, конась кассь рядовой учительницаго государственной деятелекс.

Ютась иестэнь райононь партийной организациясь примась эсинзэ рядтнэс 328 ломать. Те — робочейтнэнь, колхозниктнэнь ды советской интеллигенциянь сех вадря представительтнэ.

Покш внимания марто конференциянь делегатнэ кунсолызь Куйбышевской областька ВКП(б)-нь Центральной Комитетэ Партийной Контролень Комиссиянь партколлегиянь секретаренть Шестаков ялганть речензэ. Сон эсинзэ речензэ посвятил Жданов ялганть докладонзо тезистнэнь те частенэнь, косо кортави партиань члентнэнь праватнеде ды обязанностнеде.

— Народонь врагтнэ троцкистско-бухаринской бандитнэ, попирая партиань члентнэнь праваст, чиня произвол честной коммунистнэнь лангсо, снэртнэсть потсто разложить минек партийной организациянь, — корты Шестаков ялгась. — Но врагтнэ просчитались. Минек партиань Сталинской Центральной Комитетэнь непосредственной руководстванзо коряс областной партийной организациясь разоблачила матерой бандитнэнь ды провокатортнэнь.

Партколлегиясь ваннось 1740 апелляцият коммунистнэнь, конатне исключеннойть партиасто ды сынстэ йстэ восстановила ВКП(б)-нь членэнь праватнес 871 ломань. Партияс ды сонзэ Сталинской Центральной Комитетэсь невтнэть неустанной забота коммунистнде. ВКП(б)-нь уставсонть изменениятне, конатне выдвинутойть Жданов ялганть докладонзо тезистнэсэ, конатнэнь в основном одобрил

ВКП(б)-нь Центральной Комитетэнь Политбюрось — те заботанть ярчайшей проявления.

Тезистнэнь дополнения Шестаков ялгась предлагаёт аравтомс коммунистнэнь тевест ды апелляцияст подачань ды ванномань срок, конатне (коммунистнэ) исключеннойть партиасто ды получить партийной взысканият. Те еще седе пек кепедьсы партийной организациятнэнь ответственностест партиань члентнэнь судьбасть кис ды путы пе партияс восставлениядо тевенть аволь шкастонзо, поздаязь возбуждениятнэнь.

Делегатось Брусиловский ялгась (Сызрань) пистэ поддерживает партияс примамонть пингстэ категоричнэнь тезистнэсэ предлагаемой отменанть. Сон невтсь яркой пример, конась корты седе, кода уш таштомсть партияс примамонть существующей условиятне. Чугункань кинь стрелочникесь Денисов ялгась 30 иень производственной стаж марто ульнэсь аравтозь руководящей постос. Зярдэ сон максь заявления партияс примамодо, сонзэ ловязь нилеце категориясь.

Брусиловский ялгась предлагает теэмс ВКП(б)-нь горкомтнэсэ ды райкомтнэсэ оборонно-массовой роботань отделт. Сонзэ мнениячзо коряс те максы возможность руководящей партийной органднэнь значительна вадрялгавтомс оборонной роботанть лангсо руководстванть.

ВКП(б)-нь Куйбышевской горкомонь секретаресь Мещеряков ялгась Жданов ялганть докладонзо тезистнэнь дополненияс максы предложения — теэмс крупной предприятиясь, косо лововить 50 коммунистэ ламо, цеховой партийной организацият.

Исяк прениятнэсэ выступили Масленниковонь лемсэ заводонь парткомонь секретаресь Черятников

ялгась, РСФСР-нь Верховной Советэнь депутатось ВЛКСМ-нь обкомонь секретаресь Катков ялгась, ВКП(б)-нь Ульяновской горкомонь секретаресь Обухов ялгась, Зивовьев ялгась (Молотовской район) ды лият.

Конференциясь примась приветствия Оборонань Наркомонтень Советской Союзонь маршалонтень Ворошилов ялганть.

Течи конференциясонть прядовсь ВКП(б)-нь XVIII с'ездэ Жданов ялганть докладонзо тезистнэнь обсуждениясь. 45 записавшейтнэнь эйстэ ВКП(б)-нь обкомонь секретаренть Мельников ялганть докладонзо коряс прениясо выступали 25 делегатт.

Глубокой скорбь марто конференциянь делегатнэ вастызь партиань старейшей членэнтэ, ВКП(б)-нь Центральной Комитетэнь членэнтэ, СССР-нь Верховной Советэнь Президиумонь членэнтэ, РСФСР-нь Просвещениянь наркомонь заместителенть, Владимир Ильич Ленинэнь малавикс оянтэ ды помощникентэ — Крупская ялганть куломадо сообщениянтэ. Конференциясь кучсь соболезнования ВКП(б)-нь Центральной Комитетэнтэнь те ставка емавксонть коряс.

Конференциясонть покш речь марто выступил РСФСР-нь Верховной Советэнь депутатось, СССР-нь земледелиянь Народной Комиссарось Бенедиктов ялгась. Сон эсинзэ выступлениячзо посвятил велень хозяйствань областьсэнтэ грандиозной победатнэнь, конатне теезь масторсонть сталинской пятилеткатнэнь иетнэнь перть ды Куйбышевской областэнь большевиктнэнь задачатнэнь засуханть каршо бороциямонть ды тунда видиманть анокстамонть коряс.

Мейле конференциясь кунсолызе ВКП(б)-нь обкомонь секретаренть Мельников ялганть заключительной валонзо.

Прядовсь областной партийной VII конференциясь

Куйбышев, мартонь 2 чи (ОблТАСС). Исяк чокшне прядовсь областной партийной VII конференциясь. Конференциясь кочкась ВКП(б)-нь XVIII с'ездэ 29 делегатт решающей вайгель марто ды 7 совещательной вайгель марто.

Конференциясь бурной овациясо вастызе счетной комиссиянтэ сообщениячзо седе, што большевистской партиань XVIII с'ездэ васенце делегатокс единоголасна кочказь социализмань победатнэнь гениальной организаторось, народтнэнь великой вождесь Иосиф Виссарионович Сталин ялгась.

Зяряя минутань перть делегатнэ стядо аштезь при-

ветствовать вечкевикс Сталинэнь. Гайгезевкшнэнь приветственной сееремат: „Шумбра улезэ великой Сталин!“, „Ура, Сталин ялганть!“ Ды одс касыця вийсэ гайгить овациятне.

Восторженной аплодисментнэнь пингстэ оглашаются великой Сталинэнь малавикс соратниктнэнь — советской правительствань прятвонть Молотов ялганть, Оборонань Народной Комиссаронть, Советской Союзонь маршалонтень Ворошилов ялганть ды ВКП(б)-нь Центральной Комитетэнь секретаренть Андреев ялганть лемест, конатне единоголасно кочказь ВКП(б)-нь XVIII с'ездэ делегатокс.

ВКП(б)-нь XVIII с'ездэ решающей вайгель марто делегатокс кочказь: Игнатов Н. Г. — ВКП(б)-нь обкомонь секретарь, СССР-нь Верховной Советэнь депутат. Михеев В. Д. — лейтенант. Бенедиктов И. А. — СССР-нь Земледелиянь Народной Комиссар, РСФСР-нь Верховной Советэнь депутат, Фоминых А. Я. — ПРИВО-нь Военной Советэнь член, Журавлев Н. Н. — Облесполкомонь председатель, РСФСР-нь Верховной Советэнь Президиумонь член. Саламов К. П. — Куйбышевской гидроузелонь строительства начальникэнь заместитель, РСФСР-нь Верховной Советэнь депутат. Буторов А. И. — Чердаклинской МТС-нь комбайновой уборкань мастер. Нетипанов И. Е. — Куйбышевской областька УНКВД-нь начальник. Горячкин С. И. — Домашкинкой МТС-нь директор. Хропов С. А. — ВКП(б)-нь Куйбышевской горкомонь секретарь. Мельников В. Ф. — ВКП(б)-нь обкомонь секретарь. Пивоваров П. Т. — ВКП(б)-нь Ставропольской райкомонь секретарь, орденоносец. Черятников В. И. — Масленниковонь лемсэ заводонь парткомонь секретарь. Малышев А. Я. — ВКП(б)-нь Чапаевской горкомонь секретарь, РСФСР-нь Верховной Советэнь депутат. Латунов И. С. — ВКП(б)-нь Сызранской горкомонь секретарь. Шестаков И. Р. — Куйбышевской областька ВКП(б)-нь Центральной Комитетэсэ КПК-нь партколлегиянь секретарь. Прахов Я. А. — Богданкинкой райононь колхознэнь председатель. Багреев В. Ф. — Куйбышевонь лемсэ чугункань кинь начальник. Бабин М. Ф. — Куйбышевской горсоветэнь председателентэ обязанностнэнь топавтыця, РСФСР-нь Верховной Советэнь депутат. Катков Н. Н. — ВЛКСМ-нь обкомонь секретарь, РСФСР-нь Верховной Советэнь депутат. Обухов П. А. — ВКП(б)-нь Ульяновской горкомонь секретарь. Назаров А. А. — Сергиевской райисполкомонь председатель, СССР-нь Верховной Советэнь депутат. Чулков П. И. — ВКП(б)-нь обкомонь сельхозотделэнь заведующий. Куликов Ф. Я. — ВКП(б)-нь Куйбышевской райкомонь секретарь.

Совещательной вайгель марто делегатокс кочказь: Чакрыгина Е. Д. — Кузоватовской райононь „Борьба“ колхозонь МГО-нь заведующей. Шустин А. М. — ПРИВО-нь Политуправлениянь начальник. Скрыбин Г. Л. — ВКП(б)-нь обкомонь пропагандань ды агитациянь отделэнь заведующий, РСФСР-нь Верховной Советэнь депутат. Прибок В. И. — Сызранской нефтепромыслаь директор, РСФСР-нь Верховной Советэнь депутат. Игошин П. Н. — Масленниковонь лемсэ заводонь цехень начальник. Кочемасова Т. П.

— Куйбышев ошонь ВКП(б)-нь Ленинской райкомонь секретарь. Казакова Е. В. — ВКП(б)-нь Барышской райкомонь секретарь.

Конференциянтэ прядовмадонзо икеле заключительной речь марто выступил ВКП(б)-нь обкомонь секретаресь Игнатов ялгась.

Областной партийной конференциясь, — корты Игнатов ялгась, — ютась сэрэи идейно-политической уровнясо. Сон невтнize минек коммунистнэнь ды областной партийной активентэ политической покш касоманзо. Конференциясь невтнize Куйбышевской областной партийной организациянтэ монолитностензэ ды сплоченностензэ минек партиань Сталинской Центральной Комитетэнтэ ды великой Сталинэнь перька. Конференциясь невтнize, што весе областной партийной организациясь вемельсэ одобрила минек эпохань замечательной документнэнь — ВКП(б)-нь XVIII с'ездэсэ Молотов ды Жданов ялганть докладост тезистнэнь.

Игнатов ялгась седе тов корты областэнь трудиятнэнь ютксо политической ды производственной покш под'емдонть, конась тердезь ВКП(б)-нь XVIII с'ездэнтэнь анокстамосонть.

— Партийной организациянтэнь задачат, — корты сон, — заключается сеньсэ, штобу возглавить те под'емонть ды добиться сень, штобу минек областэнь весе заводтнэ, фабрикатне, колхозтнэ, совхозтнэ, МТС-нэ ВКП(б)-нь XVIII с'ездэнтэнь савольть эсист плантнэнь топавтозь ды велькска топавтозь.

Игнатов ялгась особа тешксты необходимостентэ образцовыстэ анокстамс тунда сюронь видиманть, по-большевистски ютавтомс тунда сюронь видиманть, бороцямс покш урожайтнэнь получамонть кис, конатне достойнойть минек славной социалистической родинанть.

— Минек Куйбышевской областной партийной организациясь, — пряды эсинзэ речензэ Игнатов ялгась, — еще седе теснасто сплотит эсинзэ рядтнэнь минек партиань Сталинской Центральной Комитетэнтэ ды Сталин ялганть перька. Минек областной партийной организациясь разрешит политической ды хозяйственной задачатнэнь, конатне лиснить ВКП(б)-нь XVIII с'ездэсэ Молотов ды Жданов ялганть докладост тезистнэнь эйстэ. Неть задачатнэнь успешнойстэ разрешамост гарантировави сеньсэ, што минек областной партийной организациясь педэ нес верной ды преданной большевистской партиань Сталинской Центральной Комитетэнтэнь ды великой вождентэнь Сталин ялганть.

Февралень 12-це чистэ саезь Куйбышев ошсо ютавтозь колхозной художественной самодеятельностень областной васенце олимпиада.



Снимкасонт: Похвистневской районнь чувашской «Канаш» колхозонь квартетэсь исполняет национальной морот (керш ендю витев) В. З. Федейкина, Б. Я. Головина, Е. И. Анчикова ды Г. И. Анчиков.

ОблТАСС-нь фотохроника



Снимкасонт: Олимпиадасо участницася Молотовонь демса вельхозартельнь (Мелекесской район) колхозницася Л. П. Шмелева.

ОблТАСС-нь фотохроника.

Вадря впечатления

П. Н. ЕФРЕМОВА

Куйбышевской оперной театрань солистка

Колхозной художественной самодеятельностень олимпиадасонт вокальной искусствась невтезь пек мно гообразностэ. Тесэ ульнест хорт, ансамблят, солистт. Морасть одт ды сыреть, исполнялись чудеснойт народной морот, классиктнень ды советской композитортнень произведеният.

Простой ды свежа чись — вана мезесь характерной олимпиадасонт вокальной выступлениятнень туртов.

Удовлетворения марто мон кунсолыя Лида Уваровань — Новодевиченской МТС-стэ. Сон моры ритмична ды музыкальна. «Пиковая дама» Чайковскоень операсто Полинань романсонзо сонзэ исполнясо корты теде сатышка убедительностэсэ.

Паро впечатления теи колхозницася Сагада Мустафина. Тонка ды колоритна сон моры народной татарской моротнень.

Вадрят Борской районнь «Красногвардейцы» колхозонт хорозо, Инзенской районнь Чумакино велень ды Пестровка велень частушечниктнень ансамблятне. Увереннасто ды бойройстэ гайгить моротне сынт исполнясо.

Нельзя арадовакшномс колхозной художественной самодеятельностенть репертуарс гениальной композитортнень произведеният проикновениянтень.

Олимпиадань итогтнэ невтиз, што минек областень сех васоло уголкатнесэ моли культурной творческой покш работа.

8-це народно-революционной армиянть победанзо

Китаень героической 8-це народно-революционной армиясь, противникенть тылсэ действовазь, тейни японцтнень кемевачкодкст. Декабрянт перть 8-це армиясь ютавтсь 102 бойт японцтнень каршо. Неть бойтнестэ ульнест маштозь ды ранязь 3743 японецт, саезь пленс 545 японецт.

Трофеятнень числасо, конатнень саинзе 8-це армиясь декабрэсто, улить: 1746 винтовкат, 41 легкой пулемет, 3 стака пулеметт, 3 бомбомет, ламо эрва кодат боеприпаст.

Те ковоить перть 8-це армиянтэ отрядонзо 37 раз тапакшнызь противникенть территориянзо лангсо чугункань кинь полонтанть, уничтожазь 8 сэдт, нолдасть откос алов воинской 8 эшелонт.

8-це армиясь японцтнень каршо бойтнесэ декабрэсто емавтсь маштозьсэ ды ранязьсэ 1554 ломанть.

Январьстэ 8-це армиясь ютавтсь 154 бойт японцтнень каршо. 33 раз 8-це армиянтэ отрядонзо тапак-

шнызь чугункань китнень районтнесэ, конатнень саизь японцтнэ.

8-це армиянтэ каршо бойтнесэ японцтнэ январьстэ емавтсь 7010 маштозьсэ ды ранязьсэ. Трофеятнень числасонт, конатнень саинзе 8-це армиясь январьстэ: 957 винтовкат, 25 легкой пулеметт, 1 бомбомет, 3 пушкат, 11 минометт. Японцтнень каршо бойтнесэ китаецтэ уничтожасть 1 танка ды нолдасть откос алов воинской 4 эшелонт. Январень перть 8-це армиянтэ емавксонзо маштозьсэ ды ранязьсэ составили 4197 ломать, пострадали отравляющей веществатнеде 1503 ломать.

8-це армиянтэ кавто ковоить бороцямонтень итогтнэ теезь, китайской газетась «Синьхуажибо» сермады: «8-це армиянтэ боевой действиянзо максыть яркой пример сень, кода японцтнень тылсэ китайской частнень башка аволь покш победатнестэ складываются противникенть покш поражениянзо».

(ТАСС).

Фашистской четырехлетнэнтэ провалозо

Английской газетасонт «Финаншиэл ньюс» опубликовазь статья германской фашизмонтэ экономической политиканзо итогтнеде. Германской «четырёхлетней планонтэ» задачазо, сермады газетась, заключалась сеньсэ, штобу обеспечамс Германиянтэ независимостензэ лия масторсто сырьань ды продовольствиянть ускоманть эйстэ. Течинь чис Германиянтэ зависимостез лия масторсто ускоманть эйстэ истя жо покш, кода ульнест икелеяк. Лия масторсто сюронь ускомась пек кассь. 1933 иестэ ульнест ускозь товзюро 234 тышат тоннат, а 1938 иестэ — 1 миллион 268 тышат тоннат.

Кшнинь рудань ускомась кассь ниле раздо седе ламоксть, чугунонь — 3 разт. Меельсь иетнестэ истя жо значительна кассь Германияв цветной металлнень ускомаст, особенно пиченть, истя жо боктитэнтэ, нефтанть ды каучуконтэ Германиянтень принадлежачей медной рудниктне обеспечить 12 процентэ аламост масторонтэ существующей потребностензэ.

Кувака шкань войнань случайстэнтэ, — яволявты газетась, — внутренней сырьевой ды продовольственной ресурстнень асатомаст карми улеме Германиянтэ туртов лавшо чинь истямо жо источниксэ, кода ютазь мировой войнань шкастонтэяк.

(ТАСС)

Польшась признал Франконь „правительстванть“

Иностранной тевтнень польской министерстванть сообщенианзо коряс, польской правительствась признал Франко генералонь фашистской „правительстванть“

(ТАСС).

Парсте организовамс тракторной курстнэнь роботаст

Правительствась эрва иестэ нолды громадной средстват велень хозяйстванть механизациянзо туртов. Машино-тракторной станциятне иеде-иес государстванть пельде получить од сложной вельхозмашинат — тракторт, комбайнат ды лият.

Трактортнэнь ды комбайнатнень туртов эрвать парсте анокстэ кадрат, конатне могли бу управлять неть сложной машинатнесэ, штобу сынь роботавольт бесперебойно.

Но эрва меремс, што Ташто Маклаушонь МТС-сэ трактористнэнь анокстыть пек беряньстэ. Трактористнэнь курстнэ тосо организовазь еще ютазь 1938 иень ноябрь ковоень 20-це чистэ, но те шкас занятиятне ютавтневить аволь регулярна. З а н я т и я т н е ламоксть ульнест сезезь преподавательтнень ды светэнь аразь чинть трокс.

МТС-нь дирекциясь ды курстнэнь заведующесэ Сомов ялгась курстнэнь лангс о т н о с я т с я наплевательски, с ы м ь эсть анокста шкастонзо помещения ды лампат. Трактористнэнь марто занятиятнень икеле ютавтнест НСШ-сэ, но февралень 28-це чистэ НСШ-нь директорось курстнэнь панинзе НСШ-стэ ды седе мейле занятиятне допрок лоткасть.

МТС-нь дирекциясь нать а думасы сень, што вельтундонь видиманть самс шкась кадовсь пек аламо ды бути те кадовикс шкантькак курстнэсэ тонавтнемась карми молеме ташто ладсо, то трактористнэ кадовить теоретически алак анокста.

Дирекциясь должен явомс серьезной мель курстнэнь лангс ды парсте организовамс сынт роботаст.

Ниле подписать.

9 № мельзаводось роботы беряньстэ

Клявлинань 9 № мельзаводонь руководителтне допрок а старить выработкань планонтэ топавтоманзо кис. Теде кортыть вана истят фактэ, што мельзаводось почтонь яжамонь планонзо эрва сменянтэ топавты ансяк 40—45 процентс.

Выработкань планонтэ а топавтомазо толковави севсэ, што паро-силовой цехесь роботы пек беряньстэ. Машинистнэнь чумост трокс лиссь стройстэ внутренней сгораниянть двигателесь. Сонзэ сивсь колечатой валозо, но мельзаводонь дирекциясь те

шкас эзизе вешне чумонь теицанть.

Мельзаводонтэ роботамонь истят асатыкствэнь трокс робочейтнень ды особенно грузчиктнень сеедьстэ савкшны аштекшнемс алак робота. Примеркс, грузчиктнень Бамбуровонь бригадась февралень 16-це чистэ цела смена аштесь роботавомо.

Мельзаводонь дирекциянтень, первичной парт-организациянтень ды профсоюзной организациянтень весе неть асатыкствэнтень путомс пе ды кармамс 100 процентс топавтоманзо производственной программанть.

Робочей.

Республиканской Испаниянтэ защитас

Неть читнестэ Норвегиянть столицасонт Осло ульнест массовой собрания республиканской Испаниянтэ защитас. Собраниясонть выступили ряд видной норвежской общественной деятельть. Профессорось Бреггер вешсь теемс весе возможноенть героической испанской народонтэ туртов ды тердсь

норвежской народонтэ вастомс эсист демократиянтэ фашизманть притязаниянзо эйстэ. Норвежской профсоюзтнэнь председателесь Хиндаль, фашизманть каршо бороцямонтень тердэзь, невтьсь, што норвежской народось пожертвовал уш республиканской Испаниянтэ 1 миллион 700 тышат норвежской кронт. (ТАСС)

Ответ. редакторось В. ДЕВАЕВ

Пачтяви весе граждантнэнь мельс, што Клявлинань станцасо «Заря» артелесь организовась ташт частнэнь витнемаст коряс часовой мастерской, конась роботы парикмахерскоень помещениисонт.

Правлениясь.

Неень шкастонтэ сберкассатнень Куйбышевской обл. управления ревизионной бригадась теи ревизия Клявлинань райсберкассанть. Просьба весе граждантнэнь ды организациятнэнь, конатнень улить пеняцамоет райсберкассанть ды сонензэ подотчетной сберкассатнень роботаст лангс, пачтамс устна или серма вельде адресань коряс: Клявлинань райсберкасса, обл. управления ревизионной бригаданть.

Бригадань руководителесь Исаев.